



Swansea University
Prifysgol Abertawe

Deddf Caethwasiaeth Fodern 2015

Datganiad Blynyddol ar Gaethwasiaeth Fodern a Masnachu Pobl 2022/23

Mae caethwasiaeth fodern yn drosedd ac yn groes i hawliau dynol sylfaenol. Ceir amrywiaeth o ffurfiau arni, megis caethwasiaeth, caethwasanaeth, llafur dan orfod a llafur gorfodol a masnachu pobl. Mae pob un o'r rhain ag elfen gyffredin, sef un parti'n amddifadu unigolyn neu unigolion o'u rhyddid er mwyn camfanteisio arnynt er mantais bersonol neu fasnachol.

This statement is made pursuant to section 54(1) of the Modern Slavery Act 2015 and constitutes our slavery and human trafficking statement for the financial year ending 31st July 2023.

Mae Prifysgol Abertawe yn mynnu ar ymagwedd dim goddefgarwch at gaethwasiaeth fodern.

Strwythur y Sefydliad

Mae Prifysgol Abertawe'n sefydliad uchelgeisiol sy'n rhoi pwyslais ar ymchwil, a chanddi fwy nag 20,000 o fyfyrwyr a bron 4,000 o aelodau o staff.

Corff llywodraethu'r Brifysgol, y Cyngor, sydd â rheolaeth gyffredinol dros y Brifysgol a'i materion, ei dibenion a'i swyddogaethau.

Yr Uwch-dîm Arweinyddiaeth sy'n gyfrifol yn weithredol am y Brifysgol, ac mae'n cynnwys yr Is-ganghellor, y Profost, y Dirprwy Is-ganghellorion, y Cofrestrydd a Phrif Swyddog Gweithredu a'r Prif Swyddog Ariannol. Mae'r corff hwn yn fforwm ar gyfer cynghori'r Is-ganghellor ac uwch-swyddogion eraill y Brifysgol ar faterion sy'n ymwneud â'u cyfrifoldebau penodol.

Gellir gweld datganiadau ariannol y Brifysgol yn <https://www.swansea.ac.uk/cy/y-brifysgol/amdanom-ni/cyllid/ffurflenni-dogfennau/>

Cydweithredu

Mae'r Brifysgol yn cydweithio â chonsortia prynu Addysg Uwch eraill a sefydliadau eraill ar brosesau asesu risg a diwydrwydd dyladwy i rannu arferion da ac osgoi dyblygu ymdrech i'r Prifysgolion a'r cyflenwyr allanol. Mae'r Brifysgol hefyd yn gweithio gyda Chymdeithas Gaffael Addysg Uwch (HEPA) a sefydliadau ar draws y sector, gan fod yn aelod o Grŵp Caffael Cyfrifol HEPA.

Cadwyni Cyflenwi

Mae gan Brifysgol Abertawe gadwyn gyflenwi fyd-eang, gan gynnwys amrywiaeth o gyflenwyr sy'n darparu nwyddau, gwasanaethau a gwaith i'r Brifysgol. Mae Prifysgol Abertawe yn gwario dros £100miliwn yn flynyddol, gan brynu amrywiaeth o nwyddau a gwasanaethau. Mae dros 80% o gyflenwyr y Brifysgol yn y DU, ond mae dealltwriaeth a gwerthfawrogiad y gall y gadwyn gyflenwi ehangach fod wedi'i lledaenu'n fyd-eang ac felly mae'r risg o Gaethwasiaeth Fodern yn cynyddu. Bydd y Brifysgol yn parhau i ganolbwyntio ar fonitro ardaloedd a chyflenwyr mewn categorïau risg uchel er mwyn sicrhau nad oes caethwasiaeth fodern yn y cadwyni cyflenwi strategol. Mae'r sectorau risg uchel ar gyfer

caethwasiaeth fodern yn cynnwys cyflenwadau swyddfa, nwyddau traul labordai, offer TGCh a rhai gwasanaethau ystadau (rheoli cyfleusterau). Gan fod y mwyafrif o wariant a threfniadau cytundebu Prifysgol Abertawe ar gyfer y sectorau hyn drwy fframweithiau cenedlaethol neu gyflenwyr lleol, mae'r risg o dramgwyddau caethwasiaeth fodern yn y meysydd hyn yn isel.

Cyflogaeth Foesegol yn y Gadwyn Gyflenwi

Mae'r Brifysgol wedi llofnodi Côt Ymarfer Llywodraeth Cymru ar Gyflogaeth Foesegol mewn Cadwyni Cyflenwi, sy'n cefnogi dileu arferion cyflogaeth anghyfreithlon ac anfoesegol i sicrhau bod gweithwyr ar bob cam o'r gadwyn gyflenwi yn cael eu trin yn deg.

www.youtube.com/watch?v=Dh7xovOblvU&feature=youtu.be

Ein polisïau ar gaethwasiaeth a masnachu pobl

Yn ystod y flwyddyn i fis Gorffennaf 2022, gweithredodd y Brifysgol mewn modd cyfrifol i sicrhau ei bod yn cydymffurfio â Deddf Caethwasiaeth Fodern 2015. Mae Prifysgol Abertawe'n ymrwymedig i weithio tuag at sicrhau nad yw caethwasiaeth fodern na masnachu pobl yn rhan o'n cadwyni cyflenwi neu unrhyw ran o'n busnes.

Gan ystyried y ddyletswydd i adrodd am fesurau i sicrhau na cheir caethwasiaeth mewn unrhyw ran o'n busnes neu yn ein cadwyn gyflenwi, byddwn yn adolygu ein polisïau a'n gweithdrefnau ar gyfer y gweithle i asesu eu heffeithiolrwydd wrth nodi a mynd i'r afael â materion caethwasiaeth fodern. Mae cyhoeddi'r datganiad hwn hefyd yn ofyniad yng Nghôt Ymarfer Cyflogaeth Foesegol Llywodraeth Cymru mewn Cadwyni Cyflenwi, yr ymrwymodd y Brifysgol i'w llofnodi ochr yn ochr â holl brifysgolion Cymru ym mis Gorffennaf 2017. Mae Prifysgol Abertawe yn gweithio tuag at gyflawni ymrwymïadau'r Côt Ymarfer, sy'n cynnwys annog ein cyflenwyr i fabwysïadu'r Côt.

Prosesau diwydrwydd dyladwy ar gyfer caethwasiaeth a masnachu pobl

Mae Prifysgol Abertawe'n ymrwymo i ystyried prosesau diwydrwydd dyladwy yn ein busnes ac ym musnes ein cadwyn gyflenwi. Byddwn yn rhoi systemau ar waith er mwyn nodi, asesu a monitro meysydd risg posib yn ein cadwyni cyflenwi er mwyn lliniaru'r risgiau hynny.

Mae Prifysgol Abertawe'n aelod o'r Consortïwm Pwrcasu Addysg Uwch, Cymru (HEPCW). Mae HEPCW yn cydweithio'n effeithiol â Chonsortia Pwrcasu Prifysgolion y DU. Mae'r rhaglen contractio ar y cyd yn darparu portffolio cydweithredol cynhwysfawr ac aeddfed, sy'n cynnwys rhai o'r categorïau risg uchel, megis cyflenwadau swyddfa, nwyddau labordy, cyfarpar TGCh a rhai gwasanaethau ystadau (rheoli cyfleusterau).

Mae Prifysgol Abertawe'n cydweithio â HEPCW, ac â'r Consortia Pwrcasu Addysg Uwch, i nodi'r cyflenwyr yn y categorïau risg uchel hyn, mewn perthynas â chaethwasiaeth a masnachu pobl, ac mae wedi ymrwymo i Gofrestr Tryloywder mewn Cadwyni Cyflenwi (TISC) Llywodraeth Cymru.

Mae proses dendro'r Prifysgolion yn sicrhau bod yr holl gyflenwyr yn deall eu rhwymedigaethau fel cyflenwr i brifysgol ac yn rhoi ymrwymiad i fynd i'r afael â chaethwasiaeth fodern yn eu cadwyni cyflenwi. Mae Prifysgol Abertawe hefyd yn cynnal gwiriadau diwydrwydd dyladwy ar gydymffurfiaeth pob cyflenwr newydd â'r Ddeddf Caethwasiaeth Fodern, gan sicrhau bod yr holl sefydliadau masnachol perthnasol (fel y'u diffinnir yn adran 54 Deddf Caethwasiaeth Fodern 2015) yn cydymffurfio â'r gofynion o ran adrodd.

NETPositive Futures

Drwy weithio gyda Chonsortium Prynu Addysg Uwch Cymru ehangach, mae'r Brifysgol wedi ymgysylltu â NETPositive Futures i ddarparu cronfa ddata ryngweithiol o gyflenwyr presennol er mwyn asesu eu cydymffurfiaeth â Deddf Caethwasiaeth Fodern 2015. Bydd y system yn:

- Darparu mecanwaith unigol i ymgysylltu â chyflenwyr sydd â contract a rhai heb contract ynghylch materion caethwasiaeth fodern
- Casglu data y mae ein cyflenwyr yn ymwybodol ohonynt ac yn ymwneud â nhw o ran agweddau ar gaethwasiaeth fodern
- Darparu mecanwaith i gynnig cymorth, arweiniad neu hyfforddiant i'n sylfaen gyflenwi ac i rannu arferion gorau rhyngddynt
- Ein galluogi i olrhain y camau gweithredu sy'n cael eu cymryd a'r cynnydd sy'n cael ei wneud gan ein cadwyn gyflenwi wrth fynd i'r afael ag agweddau ar gaethwasiaeth fodern
- Rhoi mynediad i ni at yr wybodaeth hon mewn amser go iawn
- Ein galluogi i gynnwys caethwasiaeth fodern yn ein prosesau rheoli contract ar sail y cynlluniau gweithredu a ddatblygwyd gan ein cyflenwyr

Lliniaru risg drwy ofyn i gyflenwyr lynu wrth ein gwerthoedd

Mae llawer o'n cyflenwyr yn y categorïau risg uwch hyn wedi ymrwymo i Gôd Sylfaen y Fenter Masnachu Moesegol (ETI) ac mae Consortia Pwrcasu Prifysgolion y DU yn gweithio i ddarbwylo gweddill y cyflenwyr yn y categorïau hyn i ymuno â nhw. Mae Côd Sylfaenol y Fenter Masnachu Moesegol yn seiliedig ar gonfensiynau'r Sefydliad Llafur Rhyngwladol (ILO) ac mae'n gôd ymarfer llafur a gydnabyddir yn rhyngwladol, sy'n mynnu cydymffurfiaeth â'r canlynol:

- Dewisir cyflogaeth yn wirfoddol
- Caiff rhyddid i ymgysylltu a'r hawl i gydfargeinio eu parchu
- Mae'r amodau gweithio'n ddiogel ac yn hylan
- Ni ddefnyddir llafur plant
- Telir cyflog byw
- Nid yw'r oriau gwaith yn ormodol
- Nid oes unrhyw wahaniaethu
- Darperir cyflogaeth reolaidd; ac
- Ni chaniateir unrhyw driniaeth lem neu greulon.

Prifysgol Abertawe oedd y brifysgol gyntaf yng Nghymru i ennill statws Masnach Deg. Mae gwasanaeth Arlwy'r Campws yn y Brifysgol yn ymrwymo'n gryf i gynaliadwyedd, Masnach Deg a phrynu'n lleol. Mae Masnach Deg yn ymwneud â phrisiau gwell, amodau gwaith da, cynaliadwyedd lleol a thelerau masnach teg i ffermwyr a gweithwyr yn y byd sy'n datblygu. Yn ogystal, Prifysgol Abertawe oedd y sefydliad cyntaf yng Nghymru i ymuno ag Electronics Watch. Mae Electronics Watch yn sefydliad monitro annibynnol sy'n helpu prynwyr y sector cyhoeddus i gydweithio er mwyn sicrhau parch at hawliau llafur a safonau diogelwch yn y ffatrioedd sy'n cynhyrchu'r galedwedd TGCh maent yn ei phrynu. Drwy weithredu ar sail aelodaeth, mae Electronics Watch yn caniatáu i brynwyr y sector cyhoeddus rannu cost monitro cyflenwyr â'r rhwydwaith cyfan o aelodau cyswllt a chydlynu gweithgarwch y diwydiant. Felly, mae Prifysgol Abertawe'n cydweithio ag Electronics Watch i ddatblygu tryloywder yn ei chadwyn gyflenwi i gynnwys cyflenwyr haen is, er mwyn lliniaru'r risg o arferion cyflogaeth anfoesegol, er enghraifft, mwynau gwrthdaro a gyflenwir i weithgynhyrchwyr nwyddau electronig.

Cyflog Byw Gwirioneddol

Mae'r cyflog byw gwirioneddol yn cael ei gyfrifo'n annibynnol ar sail yr hyn y mae angen ar weithwyr a'u teuluoedd er mwyn byw, ac mae'n uwch na'r cyflog byw cenedlaethol a osodwyd gan Lywodraeth y DU. Wedi'i ddiweddarau'n flynyddol, mae cyflogwyr achrededig yn talu cyfradd y cyflog byw gwirioneddol yn wirfoddol.

Aeth Prifysgol Abertawe ati o'i gwirfodd i gyflwyno'r cyflog byw gwirioneddol i'w holl staff cyflogedig ym mis Ebrill 2019, er budd mwy na 1,000 o'i chyflogeion ar y cyflogau isaf. Ers hynny, mae wedi ennill ei hachrediad cyflog byw gwirioneddol gan y Sefydliad Cyflog Byw (LWF) drwy dalu'r cyflog byw gwirioneddol i bob aelod o staff sydd wedi'i gyflogi'n uniongyrchol a hefyd y rhai sydd wedi cael eu his-contractio.

Bydd achrediad Abertawe o'r LWF, a ddaeth i rym ar 1 Mehefin 2020, yn galluogi'r Brifysgol i hyrwyddo ac annog polisïau ac arferion sy'n rhan bwysig o helpu ei 4,000 o staff i fyw bywydau gwaith boddhaus a gwobrwyol. Ar hyn o bryd, mae'r Brifysgol hefyd yn datblygu cynllun i gyflwyno'r cyflog byw gwirioneddol ar draws contractau trydydd parti wrth iddynt gael eu hadnewyddu.

Mae cyflogwyr cyflog byw gwirioneddol achrededig yn dweud bod cael eu hachredu wedi helpu'r berthynas rhwng staff a'u rheolwyr, wedi arwain at gynydd mewn cyfraddau cymhelliant a chadw staff, ac wedi helpu i hybu enw da eu sefydliad.

Hyfforddiant

I sicrhau lefel uchel o ddealltwriaeth o risgiau caethwasiaeth fodern a masnachu pobl yng nghadwyni cyflenwi Prifysgol Abertawe ac yn y sefydliad ar y cyfan, byddwn yn parhau i godi ymwybyddiaeth o gaethwasiaeth fodern.

Mae'r timau Caffael a Chynaliadwyedd yn gweithio'n agos i ddatblygu hyfforddiant ymwybyddiaeth fewnol, gan ddefnyddio adnoddau perthnasol, ac i atgyfnerthu polisïau a gweithdrefnau mewnol yn unol â safonau ISO. Mae'r gweithgarwch codi ymwybyddiaeth hwn ar gyfer lefelau a rolau perthnasol yn y Brifysgol. Drwy nodi staff sy'n ymwneud â'r broses brynu, darperir hyfforddiant i gynorthwyo ymwybyddiaeth, ac i helpu i nodi risgiau yn y gadwyn gyflenwi y maent yn rhan ohoni.

Ein heffeithiolrwydd wrth rwystro caethwasiaeth a masnachu pobl

Mae Prifysgol Abertawe wedi dechrau integreiddio Deddf Caethwasiaeth Fodern 2015 yn ein System Rheoli Amgylcheddol ISO14001 (2015) a'n Cofrestr Gyfreithiol. Bydd hyn yn:

- cefnogi'r broses o nodi a lliniaru effeithiau cysylltiedig a datblygu dangosyddion perfformiad allweddol ar gyfer y Brifysgol gyfan ar gyfer rheoli perfformiad
- darparu sicrwydd a gaiff ei archwilio'n allanol
- darparu mecanwaith i godi ymwybyddiaeth drwy gymuned gyfan y Brifysgol
- ystyried cymalau cyfreithiol priodol mewn contractau er mwyn rheoli a monitro cyflenwyr yn fwy effeithiol.

Polisi Chwythu'r Chwiban (Datgelu er Lles y Cyhoedd)

Mae gan y Brifysgol bolisi a gweithdrefnau Chwythu'r Chwiban (Datgelu er Budd y Cyhoedd) ar waith er mwyn galluogi ei staff, ei myfyrwyr ac aelodau eraill o gymuned y Brifysgol i fynegi pryderon sydd er budd y cyhoedd, ynghylch honiadau o dwyll, camarfer, camymddwyn, ac ymddygiad amhriodol neu anfoesegol. Mae'r polisi a'r gweithdrefnau'n sicrhau yr ymdrinnir â phryderon didwyll mewn modd cadarn a theg, ac nad yw aelodau sy'n mynegi pryderon o'r fath yn cael eu herlid mewn unrhyw ffordd.

Diwygiwyd y polisi ym mis Tachwedd 2021 ac yn ei gwmpas mae bellach yn cynnwys o fewn darpariaeth i staff y Brifysgol adrodd am bryderon ynghylch torri'r Ddeddf Caethwasiaeth Fodern yng nghadwyn gyflenwi'r Brifysgol. Mae polisi Chwythu'r Chwiban y Brifysgol ar gael yma:

[Chwythu'r Chwiban - Prifysgol Abertawe](#)

Ein Llywodraethu a'n Polisiâu

[Polisi Caffael Cynaliadwy a Moesegol](#)

Mae'r polisi hwn wrth wraidd ein gweithgareddau caffael a chafodd ei ddatblygu ar y cyd gan y timau Caffael a Chynaliadwyedd.

Dyletswydd i Hysbysu

O 1 Tachwedd 2015, mae gan awdurdodau cyhoeddus penodedig ddyletswydd i hysbysu'r Swyddfa Gartref am unrhyw unigolyn y maent yn dod ar ei draws yng Nghymru a Lloegr sydd, yn eu barn nhw, yn ddioddefwr caethwasiaeth neu fasnachu pobl. Er nad yw'r Brifysgol wedi'i rhestru fel awdurdod cyhoeddus perthnasol yn hyn o beth, mae sefydliadau eraill, gan gynnwys cyrff anllywodraethol, hefyd yn cael eu hannog i gyflwyno hysbysiau pan maent yn dod ar draws dioddefwr posibl o gaethwasiaeth fodern nad yw am fod yn rhan o'r mecanwaith cyfeirio cenedlaethol (NRM). Os ystyrir bod unigolyn mewn perygl uniongyrchol o niwed sylweddol, ffoniwch '999' Ceir taflenni ffeithiau a phoster sy'n esbonio'r hyn y mae angen i chi ei wneud os byddwch yn meddwl bod unigolyn wedi bod yn ddioddefwr caethwasiaeth fodern:

[Caethwasiaeth Fodern - Poster ynghylch y Ddyletswydd i Hysbysu:](#)

[Caethwasiaeth Fodern - Taflen Ffeithiau ynghylch y Ddyletswydd i Hysbysu:](#)

Camau pellach ar gyfer 2022/23

Ar hyn o bryd, mae'r Brifysgol wrthi'n adolygu ei dogfennau llywodraethu Caffael, bydd rhan o'r gwaith hwn yn datblygu arferion caffael moesegol cynaliadwy'r Brifysgol, gan gynnwys gofynion y Ddeddf Caethwasiaeth Fodern. Yn benodol, bydd yr adolygiad hwn yn cynnwys:

- Asesiad o strwythur llywodraethu'r Brifysgol
- Asesiadau risg cynaliadwy cyflenwyr strategol
- Adolygiad hyfforddiant

Mae Prifysgol Abertawe'n ymrwymedig i ddatblygu dealltwriaeth ac effeithiolrwydd yn y maes hwn ymhellach, â'r nod o wella tryloywder yn ein cadwyni cyflenwi a gweithredu mewn modd cyfrifol tuag at y bobl sy'n gweithio ynddynt. Bydd Prifysgol Abertawe'n parhau i asesu meysydd risg allweddol yn ein portffolio o wariant ac yn datblygu strategaethau i liniaru unrhyw risg bosib.

Bleddyn Phillips

Dirprwy Ganghellor a Chadeirydd y Cyngor